



Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

Linee guide per l'utilizzo

Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.

Informazioni su Google Ricerca Libri

La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



EPISTOLA
R. P. N. CLAVDII
AQUAVIVAE

Præpositi Generalis Societatis

I E S V

Ad Prouinciales eiusdem Societatis.

*De Officij Diuini recitatione, ac ce-
lebratione Missæ.*



QVANTA ad officium Di-
uinum ritè persoluendum,
reuerentia, & attentio re-
quiratur, præclare omnino
Psaltes Regius proposita ip-
sius Domini, quo cum agi-
tur, excellenti præstantia commonstrauit
his verbis: *Psallite Deo nostro, psallite;*
psallite Regi nostro, psallite: quoniam Rex
omnis terræ Deus. Idcirco enim subiunxit,
psallite sapienter: Quia videlicet non quo-
uis, sed apto prorsus quodam modo id of-
ficium recitandum est, præcipuè quidem à
nobis, quos huic ministerio ita destinauit
Ecclesia, vt ipsius quasi nomine, & creatur-

A rarum

DE OFFICII RECITAT.

rarum omnium, quæ id minimè norunt, auct
possunt, præpotentem mundi effectorem
laudamus Deum, pro cunctis exoremus,
& coram eo corda nostra pandamus. Quibus
ex rebus, alijsq. compluribus, quas de
hoc eodem officio alta quadam cum exag-
geratione sancti Patres commemorant, li-
quidò apparet, quàm nos deceat, vt mo-
net Apostolus, *psallere spiritu, psallere &
mente*. Enim verò cum sic res habeat, vt
sive ob studiorum occupationes, sive ob fre-
quentiorem communicationem cum proximo,
sive alias iustissimas ob causas, quæ
semper ad maiorem Diuinæ Maiestatis glo-
riam dirigantur, sive denique ex instituto,
& approbatione Sedis Apostolicæ officium
hoc priuatim, non autem in Choro recite-
mus, maiorem proculdubio à nobis dili-
gentiam adhiberi necesse est: vt reuerentia
illa, quàm ipse Chorus, ipsa Ecclesia, &
còmunis multorum consociatio, ipsæ quo-
que ceremoniæ externæ conciliant; præsi-
dijs alijs ita compensetur, vt quod hinc
deest, aliunde suppleatur. Et eò quidem
accuratiùs, quò proclivius nihil est, quàm
vt eas ipsas ob causas debita aliqua reue-
rentia, recollectio, & attentio depereat.
Primo igitur, quod ad tempus attinet, non
patiemur ita nos obrui negotijs, vt ad ho-
ras valde importunas proprium hoc munus
reijcere

reijcere cogamur, adeo ut praueinendi, postponendive facultas indulta necessitati, vel tempestiuae feriarum rerum tractationi, oscitantes nos reddat, minusve sollicitos. Quod deinde ad locum spectat, situm, statumq. corporis, sicuti praescribere non est animus, ut officium recitetur in Sacello, Oratorio, aut cubiculo, flexis genibus, aut secus (nempe aliquid indulgendum fatigatis assiduitate studiorum, vel operose alioquin proximi causa laborantibus, siue audiendis confessionibus, siue custodijs ad eundis, siue alijs huiusmodi pietatis ministerijs exercendis) ita certe officium persolvere, quasi pensum aliquod indifferens, aperto loco, & salutationibus, alijsq. distractionibus valde peruiso, id prorsus aliter fieri ac deceat, neque ad reuerentiam, attentionemve conferre quicquam posse, manifestum est. Atque ut vnum moneam, quod maxime nostra omnium interfit, ex vfu fore confido, si decori habita ratione, se quisque penitus examinet, si naturae vim & habitum, si mentis volubilitatem, si deuotionem, affectum, experientiam denique diligenter excutiat. Sunt enim, qui probis genibus etsi orare queant, non tamen eam attentionem, gustumq. spiritualemente situ experiantur, ac sedentes. Sunt qui inambulando se non impediri sentiant,

4 DE OFFICII RECITAT.

quinimo liberiori mente ad altiora subleuari. Iam verò si quempiam docuerit experientia, hunc, aut illum sibi modum, non succedere, & eum nihilominus tædio secessus, aut cubiculi, velit consecrari, id certè Domino Deo gratum esse nequaquam potest. Quod si fatigato, vel infirmo capiti aliquanta opus erit cessatione, licebit antequam inchoetur officium inambulare tantisper, dum aliquid piè, suauiterq. meditando, & relaxetur animus, & se tamen ad officium comparet. Iuuerit quoque non mediocriter illà consideratio, diuinum hoc officium maiore sui parte psalmis constare. Horum enim psalmoꝝum tot ac tantâ præconia sancti Patres suis scriptis mandarunt (præcipuè verò S. Chrysoft. hom. 6. de pœnit. S. Ambrosius, & S. Augustinus in præfationibus ad psalmos, quæ loca miræ suauitatis plenissima sunt, & dignissima, quæ legantur) vt eos si vel mediocri præuia animi præparatione recitare studeamus, nō dubitem, quin mirabiles effectus experturi simus: eumq. spiritualem mentis pastum, probaturi, vt nunquam officij longitudo satietate nos afficiat: semper autem eiusdem iucunda varietas spiritali dulcedine perfusos dimittat. Quod fortasse contra vsu venit plerisq. quos, dum id officij perfunctorie pronunciant, tædet aridæ atque insulsæ

ET MYSSAE CELEB. †

insulsa longitudinis . Placet autem referre
 sancti Gregorij verba , id , quod volumus ,
 aptè declarantia . *Sed qualis , inquit , aut lib. 1. in 1.
 quanta sit laus , si denota non sit ? Aptè ita- Reg. c. 1.
 que tribus vitulis , totidem farina modij con-
 iunguntur (loquitur de oblatione , quã ma-
 ter Samuelis offerebat) vt de eo , quod in Dei
 laudibus cre dicimus , per deuotionem satie-
 mur . Nam sine farina vitulum offert , qui
 in Dei laudibus verba quidem edit , sed men-
 te vaga ad ea , qua loquitur , non intendit .
 sed si verba Dei laudando , vel orando pro-
 ferentes bilarescimus , dum intelligentie mi-
 scemus gaudium , illius vini , quod latificat
 cor hominis , amphoram farina sociamus .
 Varietas deinde affectuũ quanta in psalmis
 eluceat , quam dulces & efficaces loquendi
 modi , quam singulare acumen non poeti-
 cum , sed diuinum , quod dum corda mirificè
 oblectat , in animos penetrat ; quanta inquã
 harum rerum omnium copia extet in psal-
 mis , credi vix potest . Hinc porrò fit (quod
 rectè animaduertit S. Augustinus , qui res
 inibi scriptas , nostrum appellat speculum)
 vt psalmore affectus exprimere nos oport-
 teat . Timere , cum timet Propheta ; ama-
 re , cum amat ; laudare , cum laudat ; plo-
 rare , cum plorat ; postulare , cum postulat ;
 & (quod plurimum confert ad necessariam
 attentionem subinde renouandam) men-*

Con. 3. in
 psal. 30.

6 DE OFFIGII REGITAT.

tem ad Deum extollere, cum ille se erigit; nosmetipfos deprimere, cum ille se agnoscit; pro inimicis orare, cum orat; flagitare exaltationem Ecclesiæ, cum eam flagitat; amare pulchritudinem Christi sponsi; eloquiorum dulcedinem exoptare, eiusque liberalitatis amplitudini pectus aperire, eundem Patri mediatorem interponere pro firmiori spe obtinendi, quod ipse nobis acquisiuit; mente expatiari per turrellas illas & cælorum palatia; grates agere pro egressu ex Ægypto; oblectare se riuus mellis è petra profluentis; sitim explere aquis illis mirabiliter manantibus; lætari de profligatis hostium copijs, & aduersus eorum vim, & insidias opem implorare; splendorem pariter, ac multitudinem Sanctorum, quos sibi Deus in terra seruat, contemplari. Denique ne longior sim, nullum non licet pium animi affectum psalmorum recitatione concitare. Nam & in hunc usque diem cithara illa Dauidica malignos arceat, prohibetque spiritus. Verum ut intelligamus, quo pacto psalmi ad spiritualem partem, fructumque capessendum recitari debeant, facere non possum, quin adducam per appositum Cassiani locum, ubi dum agit de oratione mirum in modum psalmos commendat his verbis. *Omnes quoque psalmorum affectus in se recipiens, ita incipiat*

Col. 10. c.
10.

ET MISSAE GLEB. 7

piat decantare, ut eos non tanquam à Pro-
pheta compositos, sed velut à se editos, quasi
orationem propriam profunda cordis com-
punctione depromat: vel certè ad suam per-
sonam, astimet eos fuisse directos, eorumq.
sententias non tunc tantummodo per Prophe-
tam, aut in Propheta fuisse completas, sed in
se quotidie geri, impleriq. cognoscat. Tunc
enim Scriptura diuina per patefcunt clarius,
& quodam modo earum vena, medullaq.
panduntur, quando experientia nostra ea-
rum non tantum percipit, sed praeuenit no-
tiones. Postquam verò aliquot affectus psal-
morum percensuit, subiungit. Omnes namq.
hos affectus in psalmis inuenimus expressos,
ut ea quae incurrerint, velut in speculo pu-
rissimo peruidentes, efficacius agnoscamus.
Et ita magistris affectibus eruditi, non ut
audita, sed tanquam perspecta palpemus.
& quae sequuntur. Atenim ut eò pertin-
gamus, præter cordis puritatem, quam
diligenti examine, accuratoq. labore con-
sequi oportebit, duo insuper necessaria re-
quiruntur. Alterum, ut aliquis auctor per-
legatur, qui breuiter, dilucidè, ac spiri-
tualiter literalem psalmorum sensum ex-
ponat. quod mira prorsus felicitate Car-
dinalis Bellarminus mihi videtur affecutus.
Alterum, ut eò feratur meditatio, & ita
quidem, ut si quando Deus lumen aliquod

8 DE OFFICII RECITAT.

elargitus fuerit, vel motum animæ aliquo in versiculo concitarit; locus ille postmodum in cubiculo sæpius expendatur. Ac veluti cui argenti, vel auri vena indicata fuerit, is anidè effodit: sic nos altiùs (thesauri quippe non deerunt) effodere non desistamus. Nec dubium quin vno in versiculo, quem multorum annorum spatio millies pronunciauerimus, nouam subinde venam, aut fodinam demonstrat Christus Dominus: Adhibenda solum diligentia, quam

Prouerb. 5. insinuat Sapiens, dum ait, Si quaesieris illam quasi pecuniam, & quasi thesauros effoderis illam, tunc intelliges timorem Domini, & scientiam Dei inuenies.

Hic demum scribendi finem facere cogitabam, cum ecce graues aliquot Patres, ac zelo pleni, admonent, operæ pretium me facturum, si pauca de sacrificio Missæ his attexerem. At fateor, vix me id ausum esse commendare (tanta quippe est huius Diuini mysterij dignitas atque maiestas, vt illa per se stimulus apprime efficax esse videatur ad timorem, reuerentiam, & actualem deuotionem in nobis excitandam) nisi defectus luminis, imbecillitas virium nostrarum, naturæ infirmitas, leuitas denique mentis & inconstantia, qua fit vt alijs in multis delinquamus, idem & in hoc ipso, de quo nunc agimus, negotio persæpe efficeret.

ET MISSAE CELEB. 9

ceret. Nunc tamen vnum hoc duntaxat in memoriam reducere satis fore arbitror. Expendendum videlicet (si quidem consideretur vt sacrificium) cui, quid, quem, ad finem, & quo modo offeratur. Nam si offertur supremo rerum omnium effectori Deo, quamuis turtures solummodo, columbæ, aut vituli, more antiquorum ipsi offerrentur; insignis tamen timor, puritas & reuerentia requireretur. Si ergo nobiscum reputabimus offerri Christum ipsum, vnigenitum Dei Filium, ad dexteram Patris sedentem, verum ac summum Sacerdotem simul & sacrificium, manifestè constat, quantum præterea momenti adiungatur. Finis deinde atque intentio, qua Eucharisticum hoc sacrificium offertur, nempe salus viuorum & mortuorum, Ecclesiæ vnio, debita gratiarum actio, laudatio Diuinæ Maiestatis, apertè declarat, quid à nobis desideretur. Modum denique inexplicabilem, vt non modo coram Angelis, & Curia cælesti vniuersa id sacrificium offeratur, sed & attrectetur à nobis & participetur; eum, qui potest, animo comprehendat. Si post hæc vt Sacramentum consideretur, quod à nobis sumitur, vt ab eo tanquam à fonte vitam in nos deriuemus, & cum eo quasi concorporemur, eiusq. gloriæ, & claritatis efficiamur participes (ita enim Patrem,

10 DE OFFICII RECITAT.

Patrem alloquitur, *Claritatem, quam dedisti mihi, dedi eis*: quod de Sacramento intelligendum ait S. Hilarius) manifestè apparebit, quanta cum præparatione, ac sensu pietatis ad illud accedere debeamus. Nec solum id intelligendum de remota illa præparatione (de qua diuinum in modum agit Nazianzenus in suo Apologetico) nēpe de puritate, & totius hominis sanctimonia, id est, vt assueuerit oculus ita res omnes contueri, vt inde animus ad earum Creatoris laudem & admirationem traducatur: aures diuinis solum præceptis ac monitis pateant: os, labia, lingua eo modo sint composita, vt è cælis duntaxat spiritum salutarem ac vitalem hauriant: oclusa quoque ac decenter aperta soli præfixo sibi muneri deseruiant, Lingua verò quasi plectrum Spiritus sancti concentum, harmoniamq. ad vnius Dei gloriam efficiat. Pedes more ceruorum comparati firmentur in petra, neque aliud iter norint, nisi gratum Deo, & ipsius consentaneum voluntati. Omnia demum corporis membra facta sint membra iustitiæ, & quasi exuta mortalitate absorbeantur à vita. Non inquam id solum intelligendum de remota illa, sed de proxima item & actuali præparatione. Qua ego re certè confundor, quoties veniunt in mentem illa S. Bonauentu-

ET MISSAE CELEB. 11

re verba . Cum fuerit totus alteratus & Diuinus effectus , ita vt nihil videat , nisi Deum , tunc accedat . Et quanquam neque necesse est , neque huius loci , aut instituti mei referre , quod scribit sanctus Dionysius de Eccl.hierar. Chrysostronus, vterque Cyrillus , atque vt vno verbo dicam , omnes sancti Patres : neque tamen prætermittere quod habet Damascenus . *Ardenti , inquit , cupiditate ad eum adeamus , manibusq; in crucis formam compositis crucifixi corpus suscipiamus ; atque & oculis & labijs , & frontibus impositis diuini carbonis participes efficiamur , vt ignis desiderij in nobis insiti assumpta ea , qua ex carbone oritur , inflammatione , peccata nostra axurat , ac pectora nostra collustret ; demusq; operam , vt per diuini ignis perceptionem inardescamus , dijq; efficiamur .* Hactenus Damascenus . Iam vero , quia decet nos ad eam dignitatem aspirare , fatis liquet non accedendum ad illa tremenda mysteria , nisi præparatione præuia , quæ negotiorum , colloquiorumve distractiones submo-ueat . Neque id committendum , vt cum primum quis in Sacristiam pedem intulerit , dicere incipiat , *Impone Domine capiti meo : Sed præmissa aliqua mentis in Deum eleuatione cogitare oportebit , quid agendum , quoue eundum sit . In ipsa deince*

Lib.4. de Fi-
de, c. 14.

12 DE OFFICII REGITAT.

ne celebratione seruanda omnino regula, quæ mediam horam sacro faciendo præscribit. Breuiori quippe tempore, neque decentiæ, neque cæremoniarum distinctioni locus esse potest, qui debet. Quæ occasione valde commendatam velim Aedituis & Præfectis Ecclesiæ, vt iuxta præscriptum regularum de ijs, quæ secus facta deprehenduntur, Superiores admoneant. Peracta denique celebratione, ac ministerio tam sublimi, durante adhuc corporali Christi Domini præsentia, debitiæ agendæ sunt gratiæ. Ideò siquidem ab Ecclesia proponitur hymnus trium puerorum, qui in media fornace positi (quasi vellent suppleri, quod non satis poterant ipsi per se præstare) ad diuinas laudes inuitabant & cælos, & solem, & stellas, & reliquas omnes creaturas sublunares quantumuis sensus expertes. Nos igitur veluti in dulce iubilum prorumpentes, tot eiusmodi creaturarum linguis tam immensam Dei nostri suauitatem celebremus; neque nos foras effundamus, sed operam demus, vt diuinum illum ardorem, conseruemus; familiari illa Domini communicatione perfruamur; nostrasq. necessitates eidem humiliter insinuemus; tum ad præparationem consequentis sacrificij maiorem deinceps perfectionem consecrandam proponamus. Ne diuina gratia, & quidem

quidem tam eximia, vel quia non tanti fiat,
 vel quia negligentius tractetur, vel alia
 quavis culpa nostra, penitus in nobis exa-
 rescat. Neque id silentio prætermittendum,
 quod et si quæ dicta sunt, ad omnes omnino
 spectant Sacerdotes, qui videlicet (vt ait
 S. Chrysoſtomus) in terris degentes, cele-
 ste nihilominus exequantur officium, & ab
 eam præcipue vobis dicta credere, non
 fita omnium vehementer interest, & quibus
 nempe amplius quippiam iure requiretur,
 vt ab ijs, qui diuinitus ad statum religio-
 ſum vocati, tot muniti doctrinæ præſidijs,
 tam ſublimis commercij notitia inſtructi,
 ſæculi vinculis expediti, accedente tam
 frequenti vſa meditationum, & quotidia-
 no virtutum incremento, id nimirum ope-
 rante ipſiuſmet ſacrificij efficacitate, præ-
 ter peculiare, viuoſq. amoris ſtimulos,
 videri poſſumus ad hunc gradum euecti à
 Deo, vt aliqua parte compenſemus infini-
 tum eorum numerum, qui irreuerenter, in-
 conſideratè, ac temerè Diuinum hoc tra-
 ctant myſterium. Horum porrò miſeram
 ſortem B. Laurentius Iuſtinianus (vt præ-
 clara S. Chryſoſtomi, & aliorum Patrum
 antiquorum dicta factaq. præteream) & ac-
 curatè deſcribit; & religioſè, dolenterq.
 deplorat. Sed vt finem faciam, vberem
 omnibus! à Domino Deo gratiam preca-
 tus,

14 DE OFF. REC. ET MISS. CEL.

tus, vt optatum ex hac qualicumque mea
cohortatione fructum reportetis, maiorem
in modum velim Superioribus inculcatum,
Confessarijs item, & spiritualium rerum
Præfatis, vt pro sua quisque parte, ac of-
ficij munere conitantur efficere, vt qua
impedimentis submouendis, qua inquiren-
dis commoditatibus hunc Dei cultum pro-
moucant, nec solum monitis, sed multo
magis exemplo subditis Superiores prælu-
ceant; totiusq. negotij difficultates dili-
genter explanent. Atque hic tandem om-
nium precibus & sanctis sacrificijs me com-
mendo. Romæ 24. Nouembris 1612.

L A V S D E O.

